

本草述鉤元卷三十一 獸部 武進楊時泰貞頤手輯

馬

產西北者勝入藥以純白色爲良

白馬陰莖

氣味甘鹹平

主治傷中絕脈益丈夫陰氣強

腎志生子長肌肉

五畜以馬爲金十二辰午爲馬謂陰始生於午六陽之化太陰之屬也是主手太陰肺足太陰脾藏眞濡於脾脾藏肌肉之氣也故長肌肉而肥健臟眞高於肺以行營衛陰陽也故主傷中絕脈而益氣若強志有子爲水臟事水以金爲母土爲制制則化生耳

頤之

陰乾同肉菰蓉等分爲末蜜丸梧子

大每空心酒下四十丸日再

白馬脛骨 氣味甘寒 煨過存性降陰火中氣不足者用

之可代芩連

懸蹄

赤白馬俱用

氣味甘平

療腸癰下瘀血殺蟲 燒灰入

鹽少許摻走馬疳蝕甚良

附方 腸癰腹痛其證兩耳輪

甲錯腹痛或遶臍有瘡如粟下膿血用馬蹄灰和雞子白塗

卽拔毒氣出 損傷瘀血在腹用白馬蹄燒烟盡研末酒服

方寸七日三夜一血化爲水 蟲蝕肛爛見五臟則死以猪

脂和馬蹄灰綿裹導入下部日數度瘥

白馬通 馬屎口通水研絞汁服燒灰溫酒或水服 氣味

微溫 止渴止吐血下血鼻衄金瘡出血婦人崩中 焜火

養一切藥 治吐血不止柏葉湯用柏葉乾薑 各二兩 艾 三

把 以水五升取馬通汁一升合煮取一升分溫再服 凡吐血

氣血皆虛虛則生寒柏葉稟兌金之氣而生可制肝木木主升金主降升降相配夫婦之道合則血得歸藏於肝矣故用以爲君乾薑性熱守而不走艾葉之溫入內走絡而不炎於上使陰陽之氣反歸於裏以補其虛寒用以爲佐馬通主降火消停血引領而行爲使

論 十二辰馬居午顧五畜不以屬火而屬金 六陽之極而生陰取其進

氣也凡用以療 屬火者其畜羊蓋卽羊之無瞳人則稟於火疾須識此義

氣居多而水氣少也以是推馬之無胆 非無胆之形質諒少胆炁耳與犬無胃同

義 因其火極化土土盛而金之生氣旺矣金旺而木之生氣

微故首出之甲木無氣然有肝者乙木生於午也然則素問
以火歸羊以金歸馬誠爲察物之精歟

牛

有牦牛水牛二種牛卽黃牛

黃牛肉 氣味甘溫 安中益氣養脾胃 補氣與黃芪同

功

韓悉

倒倉法

出自西域異人

用肥嫩牡黃牛肉

二十斤

洗極淨長

流水煮成糜去渣取液再熬成琥珀色

卽名霞天膏

收之每飲一

鍾旋至數十鍾寒月溫而飲病在上則令吐在下則令利在

中則令吐利

在人活變

吐利後必渴卽服其所出之洩一二盃

亦可

蕩滌餘垢

睡二日乃食淡粥養半月精神强健沉痾悉亡須五年

忌牛肉凡人七情五味有傷中宮停痰積血互相糾纏發爲癱瘓勞瘵蟲脹成形成質爲窠爲臼以生百病而中宮愆和自非丸散所能去也此法以牛屬坤土黃爲土色肉者胃之藥也熟而爲液無形之物也服後由腸胃而透肌膚毛竅爪甲無所不到在表者因吐而得汗在清道者自吐而去在濁道者自利而除有如洪水泛漲陳莖皆順流而去盎然渙然潤澤枯槁而有精爽之樂也

丹溪

霞天膏

氣味甘溫

主治中風偏廢口眼歪斜痰涎壅塞

五臟六腑留痰宿飲癰塊手足皮膚中痰核

胃爲水穀之

海胃病則水穀不能以時運化羈留而爲痰飲壅塞經絡則

爲積痰老痰結痰等證陰虛內熱生痰則爲偏廢口眼歪斜
留滯腸胃則爲宿飲癖塊隨氣上涌則爲喘急迷悶流注肌
肉則爲結核惟霞天膏以脾胃所主之物治脾胃所生之病
實能搜剔一切留結無遺也又陰虛內熱之人水涸火熾煎
熬津液往往凝結爲痰膠固難散亦須以此和竹瀝貝母橘
紅蘇子栝蒌根枸骨葉之類消之仲淳

霞天麴

以橘皮白茯苓蘇子白蔻仁半夏蒼朮爲麴治脾

胃濕痰

以橘皮貝母蘇子栝蒌根及仁蓬砂爲麴治積熱

痰結

牛乳

黃牛者佳
黑牛更勝

味甘氣微寒

凡服乳必煮一二沸停溫

啜之熱食即壅

生飲令人利熱飲令人口乾

頓服亦易壅與酸物相反令

人腹中癥結合生魚食作瘕患冷氣人忌服

藏器

主治補虛

羸養心肺鮮熱毒下熱氣治反胃熱噦潤大腸

反胃噦膈大便秘結宜牛

羊乳時時咽之弗用人乳有飲食之毒七情之火也

治氣痢

同葦芡煎服一寒一熱能和陰陽

除疸黃

老人煮食有益

老人因血液枯燥恒致上熱下虛此味潤枯而上熱除即能下行以補虛矣

同

人乳羊乳梨汁蘆根汁蔗漿熬膏時時飲之治反胃噎膈大

便燥結兼止消渴

氣痢用牛乳

半斤

葦芡

三錢

同煎減半

空腹頓服

下虛消渴心脾中熱下焦虛冷小便多者牛羊

乳每飲三四合

此合於冷補下熱氣之說

病後虛弱取七歲下五歲上

黃牛乳

一升

水

四升

煎取一升稍稍飲至一日止

牛髓黑牛黃牛
羴牛者良

氣味甘溫

補中填骨髓續絕傷平胃氣

通十二經脈

治瘦病以黑牛髓地黃汁白蜜等分煎服

補精潤肺壯陽助胃用煉牛髓

四兩

胡桃肉

四兩

杏仁泥

四

兩山藥末

半斤

煉蜜

一斤

同搗成膏以瓶盛湯煮一日每服

一匙空心服之

牛膽

臘月取黃
牛青牛者

味苦氣大寒

臘月釀槐子服明目

非風
熱者

不宜

治疳濕彌佳

釀南星末陰乾治驚風有奇功

釀黑

豆百日後取出每夜吞一枚鎮肝明目

脾胃虛寒
者忌之

白水牛喉

療反胃吐食

取一具去兩頭節并筋膜脂肉

及如阿膠黑片收之臨時旋炙用米醋一盞浸之微火炙乾

淬之再炙再淬醋盡爲度研末厚紙包收或遇陰濕時微火

烘之再收遇此疾每服一錢食前陳米飲下輕者一服立效

名正胃散

此病至七八日大便不通必死服此十痊八九

牛角鰓

卽角尖中堅骨一名角胎

味苦甘氣溫

主下閉血瘀血疼痛

女人帶下血燔之酒服

本經

黃牛者燒之主血崩大便下血

血痢

水牛者燒之止血崩赤白帶下冷痢瀉血

附方

妊娠下惡血不止龍骨散用龍骨當歸地黃炒芍藥地榆乾

薑阿膠艾葉蒲黃以牛角鰓爲君服之 大便下血黃牛角

鰓

一具

煨末煮豉汁服二錢日三神效

赤白帶下牛角鰓

燒令烟斷附子以鹽水浸七度去皮等分爲末每空心酒服

二錢七

論 牛角本筋之粹骨之餘而鰓又角之精也乃厥陰少陰血分之藥血爲眞陰之化醇腎主至陰肝爲血臟牛屬土而益太陰之脾其角之精者燒而用之可以和三陰之氣更藉其堅凝上出者療精氣之下陷乃得血之行止咸宜焉

牛黃

出隴西及晉地凡牛生黃則夜視其身有光皮毛潤澤眼如

血色

或云病乃生黃者非也

時復鳴吼恐懼人以盆水置牛前伺其吐

出喝迫墮水取出陰乾百日

無令見日月光

如雞黃大重叠可揭若

百千層輕虛氣香磨甲色透置舌上清涼透心是曰生神黃

最貴其殺死從牛角得者曰角中黃病死從心中剝得者曰

心黃

初在心中如黃漿取得便投水中乃硬似碎蒺藜及豆瓣者是也

一從肝胆中得者曰

肝黃胆黃皆不及生黃又犛牛黃堅而不香駱駝黃極易得能相亂不可不審

味先苦後甘氣平涼入足厥陰少陽手少陰經 益肝胆清

心化熱利痰定神治驚癇寒熱熱盛狂瘈

入肝治筋病

中風失音

口噤療小兒癇熱百病

兒稟純陽之氣其病皆胎毒痰熱所生肝心二經所發此藥化痰除熱清

心養肝有起死回生之力

痘瘡紫色發狂譫語者可用

凡中風入臟者

必用牛雄腦麝之劑入骨透肌以引風出若中腑及中血脈

者用之反引風邪入於骨髓莫之能出

東垣

牛以土畜凝結

精氣而爲黃猶人身之有內丹也故能解百毒而消痰熱散

心火而療驚癇爲世神物諸藥莫及

仲淳

凡中風清心化痰

熱中臟昏冒不語者此味當爲主藥

同犀角琥珀天竺黃

鉤藤鉤朮神真珠金箔麝香丹砂治小兒驚癇百病

同犀

角地黃丹皮麥冬竹葉治小兒五色丹毒

入外科內服藥

能解疔腫癰疽諸毒入傳藥止痛散毒如神

同鐘乳石真

珠象牙猪牙皂角末白殭蚕紅鉛片腦明礬沒藥蛀竹屑天

靈蓋爲丸土茯苓湯下治結毒有神

小兒七日口噤牛黃

爲末以淡竹瀝化一字灌之更以猪乳滴之

驚癇嚼舌

悶仰目牛黃一粒許研和蜜水灌之

小兒積熱毛焦睡

欲發驚者牛黃六分硃砂五錢同研以犀角磨汁調服一錢

痘瘡黑陷牛黃二粒硃砂一分研末蜜浸臙脂取汁調搽

一日一上

論牛爲土畜在卦爲坤坤陰也陰承陽氣以生物是陽在陰中也而陽卽得陰之氣以化物故中土味甘無所不生又無所不化舉戾氣所鍾之物并人身爲患之戾氣無不藉之以化焉牛以坤質更萃氣血之精明而凝結爲黃是以土德而具生化之體用藥中之貴莫過於此第在肝心二臟專致其用者何也夫木固爲土之主而又必基土以爲命故木變風皆有土氣以歸之則風平若心火則土之母也有土之子

氣以宿之則母自趨子而火熄矣此所謂益肝胆清心化熱而水火原同並以清心者益腎也總之以氣血之物專賦土德而萃其精英凝諸形質繆氏謂其爲世神物功能起死回生信然

又云小兒傷乳作瀉脾胃虛寒者不當用

酪

牛羊馬駝之乳皆可作入藥以黃牛酪爲勝酪有乾濕乾者更良

氣溫味甘酸 水牛馬駝之酪冷療牛羊乳酪溫 治熱毒止煩渴除胸中虛熱生精血補虛損

造法用乳半杓鍋內炒過入餘乳熬數十沸常以杓縱橫攪之傾出罐盛待冷掠取乳皮以爲酥入舊酪少許紙封放之卽成乾酪法以酪曬結掠去浮皮再曬至皮盡却入釜中炒少時器盛曝令可作塊收用

酥酪之浮面所成

半牛
白羊酥

味甘氣微寒

補五臟益虛勞寒血脈除心熱胸

中客熱止渴利大小腸能除腹內塵垢又追毒氣發出毛孔

間牛酥不離寒病之兼熱者宜之羊酥不離溫病之兼寒

者宜之犛酥雖勝難得

石山

造法以乳入鍋煎二三沸傾入盆內冷定待面結皮取皮再

煎油出去滓入鍋卽成酥油凡入藥微火溶化濾淨用之

羊牡日殺亦日羴

肉 味甘氣溫性大熱 補中益氣療虛勞寒冷治產後虛

羸脾胃冷氣作痛及寒疝得火土之氣以生故能補有形

肌肉之氣

凡味同羊肉者皆補血虛陽生則陰長也

附方

治寒勞虛羸及產

後心腹疝痛羊肉湯用肥羊肉

一斤

水一斗煮汁八升入當

歸五兩

黃芪

八兩

生薑

六兩

煮取二升分四服

金匱

產後虛

羸腹痛冷氣不調及中風汗自出白羊肉

一斤

點如常調和

食之 崩中垂死肥羊肉

三斤

水二斗煮一斗三升入生地

一斤

乾薑當歸

各三兩

煮三升分四服

治虛勞天真丸精